

龍門志

天下

也龍

日夕

浮翠

於海

大迎

河北大學圖書館 編

河北大學圖書館藏 稀見方志叢刊

河北大學
圖書館藏

國家圖書館出版社

之勝槩也天下之人慕龍門之勝者

河北大學圖書館 編

河北大學圖書館藏稀見方志叢刊


14

國家圖書館出版社

第十四冊目錄

【嘉靖】石湖志略一卷	文略一卷		一
【民國】萬柳池志	十一卷		一五五


石湖志畧全冊上



余占籍古吳邑石湖在邑境中童子時釣
遊地也初不知其有志近書友攜一石湖
志來裝一冊分二種志畧文畧各一是一
也同人說爲希有未及買成即轉相傳
錄校菴首先抄之余亦影一副本後
坊友聞之又携一文畧來雖朱墨亂
塗印本較舊且鈐有盧氏圖記蓋
猶當時初本也余友認菴張君見

之屬為代購而抄志略以補之此又一
本也後書友應常熟人之求遂從
余索還而快而別以志畧一冊歸余
遂乞諸泐者以文畧補之復成合
璧自是所見兩刻本一全者在常
熟一配全者在余之家二抄本一校卷
一泐者一全也已卯中伏日世衣成并
記

氏山氏五五



明盧師陳職方其名襄撰石湖志略文略而卷
簡而有法而無浮冗之習顧姜堯章除夜自石
湖歸若溪詩有十首而文略僅存其三多以餘卷
無闕石湖而置之歟不危太樸游寶積寺詩體甚
自于游覽篇中而文略頗遺之則蒐輯容有未備
也此書傳本甚稀黃渡翁云一本今者玄常熟
今又不知何往而渡翁配全之亦以為升蘭李君
所得然則常熟之官有是書其上有所存乎其間
耶略讀一遍漫書如語以歸之文村居士識

石湖志畧序

翰林

國史編修文林郎前進士江陰張

率

予友職方氏盧子師陳志石湖成以示衆
曰志昔有也辭蕪寡要流綴溢牘厥覲病
矣予茲薙焉凡湖之有悉爲論以釐之其
仍焉者懼失實也可不可須若質諸衆辭
不能役比子既受命服試事江西俾來
徵言益急予乃閱編歎曰志哉殆史之別

乎凡其發凡立例據幽辨殊考哲章庸法
而有究典而不誣貞而不泥卓乎莫之尚
矣雖然盧子之作之也得無慨於其後乎
湖之靈粵自文穆公居此湖名滋賁淪湮
數百餘祀子之伯氏學憲君者乃堂於湖
之上堂成而湖益竒子復討而志之志成
而堂殷以奐則吳多山水輸靈委秀於茲
湖者勝專之盧氏矣子得無慨於其後乎

其後者脫弗思弗慨挾是以啓來遊者與
蘇人爭勝槩焉則志豔矣豈職方氏意乎
嘉靖戊子夏五月

其二

承直郎刑部主事前翰林庶吉士平湖屠應埈

盧子曰予世家石湖伯氏嘗詔予曰石湖
吳之巨匪也自范文穆顯名于宋越茲流
播顧后世弗紀焉予既爲文穆祠矣其使

之世者奚不在子乎于是輯石湖志畧成
屠應峻序之曰夫石湖故不有志哉其詞
支其事衍獎誣誕而畧近其弗可訓已夫
志畧也其事核其詞修無總類析大義彰
矣是故辨方表勝軌度以次是輿地之經
也序本志沃澤支流庶土作又厚生賴焉
序流衍泉壤融結卑高以陳凡山澤之莫
以胥勝也序諸山登高覽勝瞻焉慷慨哲

士所共序古迹湖山降神世有攸萃匪人
則湮也序靈稟水深土膏厥產維茂有廢
鮮粒食之利焉序物產死生之道咸秩之
祀井丘之封久不可以荒也序靈棲后世
異端曼衍宮室繁興然亦形勝之助矣序
梵宇夫邪說不可弗亟返也序書院書院
文穆所祀也今昔異時仁知異樂感而動
者人情也序遊覽是故滌源流之奧標生

物之備具地利焉闡沒世之休使聞風者
起具人道焉廣廢興之戚以稽治亂之異
具天時焉其弗曰徒作也已嘉靖己丑八
月

